

اتوار 3 نومبر، 2019ء

مضمون۔ ہمیشہ دی سزا

سنہری متن: رومیوں 13 باب 10 آیت

”محبت اپنے گوانڈی نال بریائی نہیں کردی ایس واسطے محبت شریعت دی تعمیل اے۔“

جوابی پڑھائی: رومیوں 13 باب 1، 2، 7، 9 آیتاں

1۔ ہر بندہ اعلیٰ حکومتاں دا تابعدار رہوے کیوں جے کوئی حکومت اجیہی نہیں جیہڑی رب ولوں نہ ہووے تے جیہڑیاں حکومتاں موجود نہیں اوہ رب ولوں مقرر نہیں۔

2۔ ایس لئی جیہڑا کوئی حکومت داسا منا کر دالے اوہ رب دی اڈیک دا مخالف اے تے جیہڑے مخالف نہیں اوہ سزا پاؤن گے۔

7۔ ساریاں دا حق ادا کرو۔ جنہوں خراج چائیدی اے اوہنوں خراج دیو۔ جنہوں محصول چائیدی اے اوہنوں محصول۔ جیدے توں ڈرنا چائیدی اے اوہدے توں ڈرو۔ جیدی عزت کرنی چائیدی اے اوہدی عزت کرو۔

8- تسی محبت دے علاوہ کسے شے وچ کسے دے قرض دار نہ ہو ووی کیوں جے جیہڑا دوجے نال محبت رکھدا اے
اوپنے شریعت اُتے پورا عمل کیتا۔

9- کیوں جے ایہہ گلاں پئی زنا نہ کر۔ خون نہ کر۔ چوری نہ کر۔ لالچ نہ کرتے لیہناں دے علاوہ ہور جیہڑا کوئی
حکم ہووے اوہناں ساریاں دا خلاصہ ایس گل وچ پایا جاندا اے پئی اپنے گوانڈی نال اپنے وانگر محبت رکھ۔

درسی وعظ

بائبل وچوں

1- 1 پطرس 3 باب 10 توں (اوہ) 13 آیتاں

10-۔۔۔ جیہڑا کوئی حیاتی توں خوش ہوناتے چنگے دن ویکھنا چاہوے اوہ زبان نوں بریائی توں تے جلیاں نوں مکر
والی گل کرن توں باز رکھے۔

11- بریائی توں دور رہوے تے نیکی نوں عمل وچ لیاوے۔ صلح دا طالب ہووے تے اوہدی کوشش وچ
رہوے۔

12- کیوں جے خداوند دی نگاہ را استبازاں ول اے تے اوہدے کن اوہناں دی دعائے لگے نیں۔ پر بدکار خداوند دی نگاہ وچ نیں۔

13- جے تسی نیکی کرن وچ سرگرم اوہ تے تہاڈے نال بدی کرن والا کون اے؟

2- 1 سیموئیل 25 باب 2، 3 (توں دو جا)، 4 توں 6 (توں تیرا)، 9، 10 (توں دو جا؟)، 11 توں 13 (توں پہلا)، 13 (تے ایٹھے) (توں)، 14، 17 توں 19، 21، 23، 24 (توں دو جا)، 25 (توں پہلا)، 26، 32، 33، 38، 39 آیتاں

2- تے معون وچ اک بندہ رہندا سی جیدی ملکیت کر مل وچ سی۔ ایہہ بندہ بوہت وڈا سی تے اوہدے کول تن ہزار بھیدھاں تے اک ہزار بکریاں سی تے ایہہ کر مل وچ اپنیاں بھیدھاں دے وال کتر رہیا سی۔

3- ایس بندے داناں نابال تے اوہدی بڈھی داناں اسیجیل سی۔ ایہہ بڈھی بڑی سیانی تے سوہنی سی پر اوہ بندہ بڑا بے ادب تے پاپی سی تے کالب دے خانو دے وچوں سی۔

4- تے داؤد نے بیابان وچ سنیا پئی نابال اپنیاں بھیدھاں دے وال کتر رہیا اے۔

5- ایس لئی داؤد نے دس جوان گھلے تے اوہنے اوہناں جو انان نوں آکھیا پئی تسی کر مل اُتے چڑھ کے نابال دے کول جاو تے میراناں لے کے اوہنوں سلام آکھو۔

6- تے اوس خوشحال بندے نوں اتنچ آکھو پئی تیری تے تیرے گھر دی تے تیرے مال اسباب دی سلامتی ہووے۔

9- ایس لئی داؤد دے جو انان نے جا کے نابال نوں داؤد داناں لے کے ایہہ گلاں آکھیاں تے چپ کیتے رہے۔

- 10- نابال نے داؤد دے خادماں نوں جواب دتا پئی داؤد کون اے؟ تے ایسی دا پتر کون اے؟ آج کل بوہت سارے نوکر جیسے نیں جیہڑے اپنے مالک دے کولوں نس جان دے نیں۔
- 11- کیہ میں اپنی روٹی تے ذبیحہ جیہڑے میں اپنے کترن والیاں لئی ذبح کیتے نیں لے کے اوہناں لوکاں نوں دیواں جنہاں نوں میں نسیں جان دا پئی اوہ کتھوں دے نیں۔
- 12- ایس لئی داؤد دے جوان لٹے پیر پھرے تے پرت کے ٹر گئے تے آکے ایہہ ساریاں گلاں اوہنوں دسیاں۔
- 13- فیر داؤد نے اپنے لوکاں نوں آکھیا اپنی اپنی تلوار بن لووو۔۔۔ ایس لئی قریباً چار سو جوان داؤد دے مگر ٹرے تے دو سو اسباب دے کول رہے۔
- 14- تے جواناں وچوں اک نے نابال دی بیوہ ابی جیل نوں آکھیا پئی ویکھ داؤد نے بیابان توں ساڈے آقا نوں مبارک باد دین لئی قاصد گھلے تے اوہنے اوہناں اُتے غصہ کیتا۔
- 17- ایس لئی ہن سوچ سمجھ لے پئی توں ہن کیہ کریں گی کیوں جے ساڈے آقاتے اوہدے سارے گھرانے دے خلاف بریائی دا منصوبہ بنایا گیا اے کیوں جے ایہہ اجیہا خبیث بندہ اے پئی کوئی ایہدے نال گل نسیں کر سکدا۔
- 18- فیر ابی جیل نے جلدی کیتی تے دو سو روٹیاں تے مے دے دو مشکینزے تے بیچ پکیاں پکیاں بھیدیاں تے بھنے ہوئے اناج دے بیچ پیمانے تے میوے دے اک سو خوشے تے انجیر دیاں دو سو ٹکیاں نال لئیاں تے اوہناں نوں کھوتیاں اُتے لدھ لیا تے اپنے چاکراں نوں آکھیا تسی میتھوں آگے جاو تے ویکھو میں تہاڈے مگر مگر آوندی واں تے اوہنے اپنے بندے نابال نوں خبر نہ کیتی۔

21- تے داؤد نے آکھیا سی پئی میں ایس خبیث دے سارے مال دی جیہڑا بیابان وچ سی بے فائدہ ایس طراں دیکھ بھال کیتی پئی اوہدیاں شیواں وچوں کوئی شے نہ گواچی کیوں جے اوہنے نیکی دے بدلے میرے نال بریائی کیتی۔

23- تے اہی جیل نے جیویں ای داؤد نوں ویکھیا تے جلدی کیتی تے کھوتے توں لتھی تے داؤد دے آگے منہ بھرنے ڈگی تے دھرتی اُتے سجدہ کرن لئی ملے پئے گئی۔

24- تے اوہ اوہدے پیراں اُتے ڈگ کے آکھن لگی۔

25- میں تیری منت کر دی واں پئی میرا مالک اوس خبیث بندے نابال دا کجھ خیال نہ کرے۔

26- تے ہن اے میرے مالک! خداوند دی حیات دی قسم تے تیری جان دی قسم خداوند نے تینوں خونریزی توں تے اپنے ای ہتھوں اپنا بدلہ لین توں باز رکھیا اے ایس لئی تیرے ویری تے میرے مالک دے بد خواہ نابال دی طراں ٹھہرن۔

32- داؤد نے اہی جیل نوں آکھیا پئی خداوند اسرائیل دارب دھن ہووے جسے تینوں آج دے دن میرے نال ملن لئی گھلیا۔

33- تے تیری عقلمندی دھن تے رب وی دھن ہووے جسے مینوں آج دے دن خونریزی تے اپنے ہتھوں اپنا بدلہ لین توں باز رکھیا۔

38- تے دساں دناں بعد اتجھ ہونیا پئی خداوند نے نابال نوں ماریا تے اوہ مر گیا۔

39- جدوں داؤد نے سنیا پئی نابال مر گیا تے اوہ آکھن لگا پئی خداوند دھن ہووے جیہڑا نابال نال میری رسوائی دا مقدمہ لڑیا تے اپنے بندے نوں بریائی توں باز رکھیا تے خداوند نے نابال دی شرارت نوں اوہدے ای سر اُتے لدھیا تے داؤد نے اہی جیل دے بارے وچ سنھیاں گھلیاں جوں اوہدے نال ویاہ کرے۔

3- رومیوں 12 باب 1، 2، 9، 21 آیتاں

- 1- ایس لئی اے بھراو۔ میں رب دیاں رحمتاں یاد کرا کے تہاڈی منت کردانواں پئی اپنے بدن اجیہی قربانی ہوون لئی نذر کرو جیہڑی زندہ تے پاک تے رب نوں پسندیدہ ہووے۔ ایہہ اکی تہاڈی معقول عبادت اے۔
- 2- تے ایس جہان دے ہمشکل نہ بنو بلکہ سیان نویں ہو جاو نال اپنی صورت بدل دے جاو تاں جوں رب دی نیک تے پسندیدہ تے کامل مرضی تجربے نال پتا کر دے رہو۔
- 9- محبت بے ریا ہووے۔ بریائی توں نفرت کرو، نیکی نال چھمڑے رہو۔
- 10- برادرانہ محبت نال آپس وچ اک دو بے نال پیار کرو۔ عزت دے حوالے نال اک دو بے نال بہتر سمجھو۔
- 11- کوشش وچ سستی نہ کرو۔ روحانی جوش وچ بھرے رہو۔ خداوندی خدمت کر دے رہو۔
- 12- امید وچ خوش۔ مصیبت وچ صبر کرن والے تے دعا وچ مصروف رہو۔
- 13- مقدساں دیاں ضرورتاں پوریاں کرو۔ مسافر پروری وچ لگے رہو۔
- 14- جیہڑے تہانوں ستاوندے نیں اوہناں لئی برکت چاہو۔ برکت چاہو۔ لعنت نہ کرو۔
- 15- خوشی کرن والیاں دے نال خوشی کرو۔ روون والیاں دے نال روو۔
- 16- آپس وچ اک دل ہو کے رہو۔ اُچے اُچے خیال نہ بنھو بلکہ ادنیٰ لوکاں ول متوجہ ہوو۔ اپنے آپ نوں سیانے نہ سمجھو۔

17- بریائی دے بدلے لے کے نال بریائی نہ کرو۔ جیہڑیاں گلاں ساریاں لوکاں دے نیڑے چنگیاں نیں اوہناں دی تدبیر کرو۔

18- جتھوں تیکر ہو سکے تسی اپنے و لوں سارے بندیاں دے نال میل جول رکھو۔

19- اے پیاریو! اپنا بدلہ لینا میرا کم اے۔ بدلہ میں ای دیواں گا۔

20- بلکہ جے تیرا ویری پکھا ہووے تے اوہنوں کھانا کھو۔ جے تریا یاہ ہووے تے اوہنوں پانی پیا کیوں جے اینج کرن نال توں اوہدے سر اُتے اگ دے انگاریاں دا ڈھیر لانیوں گا۔

21- بریائی توں مغلوب نہ ہوو بلکہ نیکی دے پاروں بریائی اُتے غالب آوو۔

سائنس تے صحت

1- 30:35 صرف

محبت دا نمونہ پانی دی اصلاح اے۔

2- 14:9:11

کر سچن سائنس دی جسمانی شفا الہی اصول دے کم نال ہن، یسوع دے زمانے وانگر، سامنے آؤندی اے،
جیدے توں پہلاں پاپ تے بیمار یانسان دے ضمیر وچ اپنی اصل کھودیندے نیں تے اتخ فطری تے لازمی طور
تے گواچ جاندا اے نیں جیویں، ہنیر الونوں تے پاپ درستی نون تھان دیندے نیں۔

3- 5:3-15 (توں پہلا)، 18-21

غلط کم توں شرمندگی اصلاح ول پہلا قدم اے پر ایہہ قدم بوہت آسان اے۔ عقل دے پاروں جیہڑا اگلے تے
وڈھا قدم چکن دی لوڑ اے اوہ وفاداری والی آزمائش اے، یعنی اصلاح۔ ایہتھے تیکر ساہنوں حالاتان دے دباؤ
وچ رکھیا جاندا اے۔ آزمائش ساہنوں جرم نون دوبارہ کرن دی دعوت دیندی اے، تے جو کجھ ہو یا ہندا اے
اوہدے پاروں دُکھ تکلیفاں ملدیاں نیں۔ ایہہ ہمیشہ ہووے گا جد تیکر اسی ایہہ نئیں سکھدے پئی انصاف دے
قانون وچ کوئی رعایت نئیں اے تے ساہنوں ”گٹا گٹا“ بھرنا پوے گا۔ جیس پیمانے نال کسی ناپ دے اوہ
”اوہدے نال ای تہاڈے لئی ناپیا جاوے گا“، تے ایہہ بھر جاوے گا تے ”باہر ڈھلے گا۔“

مقدس لوک تے پاپی اپنا پورا جر پاوندے نیں، پر ہمیشہ ایس جگ وچ ای نئیں۔۔۔ پاپی ”کسے ہرے دُکھ
وانگر“، کھلر دے نیں، پر دور اندیش ہندیان ہوئے زبور دالکھاری اوہناں دی اخیر یعنی دکھاں دے پاروں
پاپ دی تباہی ویکھدا اے۔

4- 4-30،22-11:22

”اپنی مکتی لئی کوشش کرو“، ایہہ حیاتی تے پیار دی مانگ اے، کیوں جے ایہتھے تیکر پہنچن لئی رب تہاڈے نال کم کردا اے۔ ”تسی قائم رہو وجدوں تیکر میں نہ آنواں!“ اپنے اجردی اڈیک کرو، تے ”نیک کم کرن وچ ہمت نہ ہارو۔“ جے تہاڈیاں کوششاں خوف تے ہر اس وچ گھریاں نیں، تے تہانوں ایس ویلے کوئی اجر نیں مل رہیا، پرت کے غلطی ول نہ جاؤ، تے نہ ای ایس دوڑ وچ سست ہو جاؤ۔

جدوں جنگ دادھوواں چھٹ جاندا اے، تسی اوس چنگیائی نوں جان جاؤ گے جیہڑی تسی کیتی اے، تے تہاڈے حق دے مطابق تہانوں ملے گا۔ رب ساہنوں آزمائش وچوں کڈھن لئی جلد باز نیں اے، کیوں جے پیار دا مطلب اے پئی تہانوں آزما تے پاک کیتا جاوے گا۔

انصاف لئی پاپی نوں اصلاح دی لوڑ اے۔ رحم بس اوہدوں ای قرض دیندا اے جدوں انصاف تصدیق کردا اے۔ بدلہ ناقابل تسخیر ہندا اے۔ اوہ غضب جیہڑا صرف سکون بخشتا اے برباد نیں ہندا، بلکہ جزوی طور تے خوش کردا اے۔ ساہنوں پاپ توں بچاون لئی سیان تے محبت اپنیاں بوہت ساریاں قربانیاں دا مطالبہ کر سکدی اے۔ اک قربانی، بھانویں اوہ کئی وی وڈی کیوں نہ ہووے، پاپ دا کفارہ ادا کرن لئی کافی نیں اے۔

5- 13-22،16-1:327

اصلاح ایس سمجھ توں پیدا ہندی اے پئی بریائی وچ قائم رہن والا کوئی سکون نہیں اے، تے سائنس دے مطابق چنگیائی لئی ہمدردی رکھن توں پیدا ہندی اے، جیہڑی ایس لافانی سچائی نوں ظاہر کردی اے پئی نہ خوشی نہ پیڑ، نہ کچھ نہ جذبہ مادے توں یا مادے وچ وجود رکھ سکدا اے، جد کہ الہی سیان خوشی، پیڑ یا ڈرتے انسانی سیان دی ساری پاپ آلود کچھ دے جھوٹے عقیدیاں نوں برباد کر سکدا اے۔

بدلے وچ سکون پانا، کیس قدر قابل رحم بدنیتمی دامنظر اے! کئی واری بریائی انسان داسب توں بوہتا درست خیال ہندا اے، جدوں تیکر پئی چنگیائی اُتے اوہدی پکڑ مضبوط نہیں ہو جاوندی۔ فیر اوہ بریائی اُتے اپنا دباؤ گوا دیندا اے، تے ایہہ اوہدے لئی عذاب بن جاندا اے۔ پاپ دی تکلیف توں بچن داطریقہ پاپ نوں چھڈنا اے۔ ہور کوئی راہ نہیں اے۔ پاپ اوس جانور دی تصویر اے جنہوں جاکنی دے پسینے دے پاروں تباہ کیتا جاندا اے۔ ایہہ اخلاقی پاگل پن اے جیہڑا آدھی رات تے طوفان دے نال شور شرابے لئی آگے ودھدا اے۔

سزا دے ڈرنے انسان نوں اصل ایماندار کدی نہیں بنایا۔ غلط دے نال ملن تے درست دی مشہوری کرن لئی اخلاقی دلیری دی لوڑ اے۔ پر اسی اوس بندے دی اصلاح کیوں کر یے جیدے وچ اخلاقی حوصلے توں بوہتا جانوراں والا حوصلہ اے، تے جنہوں چنگیائی دابالکل وی خیال نہیں؟ انسانی سیان دے راہیں، مادے نوں لبھن وچ اوہدی غلطی دی فانییت نوں قائل کرن دامطلب اے شادمانی لبھناں۔ وجہ سب توں بوہتی سرگرم انسانی ذہنی صلاحیت اے۔ ایہنوں جذبیاں نوں دسن دیوتے انسان دی اخلاقی ذمہ داری دے احساس نوں جگاؤن دیو، تے درجیاں دے راہیں اوہ انساناں دی خوشی دے احساس دے عدم وجود تے روحانی احساس دی عظمت تے راحت نوں سکھے گا، جیہڑی مادی یا فانی شیواں نوں چپ کرادیندی اے۔ فیر اوہ نہ صرف نجات یافتہ ہووے گا بلکہ اوہ نجات یافتہ ای اے۔

انسان سمجھدے نیں پئی اوہ چنگیائی دے بغیر زندہ رہ سکدے نیں، جد کہ رب چنگیائی تے کلائی اصل حیاتی اے۔ تے لہذا نتیجہ کیہ ہندا اے؟ اوس الہی اصول دے بارے گھٹ فہم رکھدیاں ہوئے جیہڑا مکتی تے شفا دیندا اے، انسان صرف ایمان دے نال پاپ، بیماری تے موت توں رہائی پاسکدے نیں۔ ایہہ غلطیاں اصل وچ ایخ تباہ نیں ہندیاں، تے اوہناں نوں اوہدوں تیکر، ایہتھے یا ایس توں بعد، انساناں دے نال جڑے رہنا چاہیدا اے جدوں تیکر اوہ سائنس وچ رب دے اصلی ادراک نوں نہیں پالیندے جیدے نال رب دے بارے انسان دیاں غلط فہمیاں ہندیاں نیں تے ایہہ اوہدی کاملیت دے بارے وڈھیاں حقیقتاں نوں ظاہر کردا اے۔

6- 28-24:19

اوہ جیہڑے، گھٹ وگھٹ کسی حد تیکر، ساڈے مالک دیاں تعلیماں تے عمل دے الہی اصول دا اظہار نہیں کر سکدے اوہناں دی رب وچ کوئی شراکت نہیں۔ بھانویں رب بھلا اے، جے اسی اوہدے نال فرمانبرداری وچ حیاتی گزارینے، تے ساہنوں کوئی ضمانت محسوس نہیں کرنی چاہیدی۔

7- 25-9:404

بد عنوان سوچ بد عنوان جسم وچ ظاہر ہندی اے۔ شہوت، بُغض تے ہر طراں دی بدی بیمار بندے دے عقیدے نیں، تے تسی ایہناں نوں بس اوہناں بدکار مقصداں نوں مکاؤندے ہوئے تباہ کر سکردے او جنہاں توں ایہہ جمدے نیں۔ جے کسے معاف کیتی ہوئی انسان سیان وچوں بدی تک گئی اے، حانا لکھ ایہدے اثر پلے وی اوس بندے اُتے ہون گے، تے تسی ایس بے ترتیبی نوں مکا سکردے او جیویں رب دی شریعت پوری ہو جاندی اے تے اصلاح جرم نوں مکا دیندی اے۔ صحتمند پاپی سخت ترین پاپی ہندا اے۔

معتدل اصلاح، جنہوں ساڈی پوری دھرتی اُتے محسوس کیتا گیا اے، مابعد الطبعیاتی شفا دے نتیجے وچ پیدا ہندی اے، جیہڑی ہر اوس رُکھ نوں وڈھ سٹ دی اے جیہڑا چنگا پھل نہیں لیاؤندا۔ ایہہ احساس پئی پاپ وچ اصل خوشی نہیں اے، کر سچن سائنس دی الہیات دے ساریاں توں اہم نمکتیاں وچوں اک اے۔ پاپ دے ایس نویں تے اصل منظر نوں پاپی دے سامنے لیاؤ، اوہدے اُتے ظاہر کرو پئی پاپ کوئی سکون نہیں دیندا، تے ایہہ علم اوہدی اخلاقی ہمت نوں مضبوط کر دے تے بریائی اُتے جت حاصل کرن تے چنگیائی نال محبت کرن دی اوہدی قابلیت نوں ودھا دیندا اے۔

8- 32-29:405

پاپ آلود سوچ دی پیڑ اوہدی تسکین توں بوہتی نقصان دہ اے۔ مادی تکلیف اُتے یقین انسان لئی اپنیاں غلطیاں توں بچھا ہٹن، بدن توں روح ول پرواز کرن تے اپنے توں وکھرا الہی وسیلیاں توں منت کرن دا ذریعہ بن دا اے۔

9- 22-18:239

جے رب دی محبت ساڈے ہور نیڑے، ہور پیاری تے اصلی ہندی جاندی اے، تے ماداروح دے حوالے ہو رہیا اے۔ تے جیہڑے مقصداں دا اسی پچھا کر دے آں تے جیہڑی روح نوں اسی ظاہر کر دے آں اوہ ساڈے نقطہ نظر نوں پیش کر دی اے تے دکھاؤندی اے پئی اسی کیہ فتح کرن دے آں۔

10- 14-7:252

جدوں جھوٹے انسانی عقیدے اپنی بددیانتی دے بارے تھوڑا بوہت جان لیندے نیں، تے اوہ غائب ہونا شروع ہو جاوندے نیں۔ غلطی تے ایہدے کماں دے بارے وچ علم نوں ایہہ تقدیم کرنی چاہی اے پئی سچائی دا فہم جیہڑا غلطی نوں برباد کر دالے، جدوں تیکر پئی ساری لافانی، مادی غلطی اخیریں غائب ہو جاندی اے، تے ہمیشہ دی سچائی یعنی انسان روح توں تے روح دے پاروں پیدا ہو گیا، اوہنوں اپنے خالق دی اصلی صورت دے طور تے سمجھیا تے پچھانیا جاندالے۔

11- 32-29:248

ساڈے اندر بے غرضی، چنگائی، رحم، انصاف، صحت، پاکیزگی، پیار، اسمان دی بادشاہی نوں راج کرن دیووتے ایہہ پاپ، بیماری تے موت تلف ہوون تیکر گھٹ ہندے جان گے۔

بائبل دا ایہہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری، سیکریڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کئی دے نال“ وچوں لیاں ہوئیاں لازمی تحریراں نال بنیاں۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے،“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینو نیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

بانگلہ دا ایہہ سبق پلین فیلڈ کرچن چرچ، آزاد ولوں تیار ہو یا اے۔ ایہہ کنگ جیمز بانگلہ دیاں آیتاں تے میری بیکرا ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

چرچ مینوٹیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔